

ጳውሎስ ቴቶስ ፃፊዳ ኪታ ጋሳ ቆፋ

ቴቶይ አይሁዳ ጊደና አሰ። ሺን ጉዬፔ አማኒዲ፣ ጳውሎስ ዋንጌላ ኪታ ኦሱዋ አሊያ ዋዴ ማታን ኢያ ማዲዳ አሰ። ሄ ዋዴ ቴቶይ፣ ዋሳ ኩላ ፃላናወኔ ናጋናው ቃርፃሳ ቢታን አቲሰ። ሃ ኪታይ ሄቸ አይፌ ቆፋታ ኦይኬሰ።

1) ዋሳ ኩላ አይሲያ አሳይ፣ ኢታ ዱሱ ዴዲያ ቃርፃሳ አሳ ማታን አይ ሜላ ሎፆ ዱሱ ዳናው ኮሺያኮ ቴቶ አኬኪሴሰ።

2) ዋሳ ኩላ ጊደን ዴዲያ ዱማ ዱማ ጩጌታ፣ ሄሲካ፣ ጨማ አሳታ፣ ያላጋ አዳታኔ አይሌታ ዋቲ ታማርሳናው ቤሲያኮ ቴቶ ዘሬሰ።

3) አማኒያ አሳ አማኖ ዱሳባ፣ ሄሲካ፣ ሳርቴላኒኔ ሲቆን ዳናባ፣ ዋሳ ኩላ ጊደፊ ኦሺ፣ ፓላማኔ ሻሆቴሌ ዲጋናባ ቴቶስ ዘሬ አሜሰ።

ቴቶ ኪታ አይፌ ቆፋታ

ጌሎ ቆፋ 1:1-4

ዋሳ ኩሌ ካሌሊያ አሳ 1:5-16

ዋሳ ኩላን ዴዲያ ዱማ ዱማ ጩጋታ ኦሶ 2:1-15

ዘሬኔ ናጊሶ 3:1-11

ኩሻ ቆፋ 3:12-15

1 ዩሱስ ኪሪስቶስ ሃዋሬይኔ ያሳ አይሌይ፣ ጳውሎስ፣ ፃፊዳ ዲብዳቢያ። ያሳይ ዶሪዳ አሳ አማኑዋ ዲቻናዳኔ ቱማ አያና ዴዐዋ ዋኒዲ ዳኔኮ ቤሲያ ቱማ ኤሪኮ ኤንታ ካሌላናው ታኒ ኪቴታሰ።

2 ሄ አማኖይኔ ኤሪቴላይ ሜሪና ዴዐዋ ኡፋይሳ ቦላ ዜምፒሰ። ሄሳ ዳር ዋዴፔ ሲንሌ ዋርዶቶና ያሳይ ኦስ አማና ጊዲ ቃላ ጌሊሰ።

3 ኦና አሺያ ያሳይ ባ ዋዴን ሃ ኪታ ኦዳና ሜላ ታው ሃዳራ አሚሰ።

4 ኦ ኮሌ አማኑዋን ታ ቱማ ናባ ጊዲዳ ቴቶ፣

ያሳ አዋፔኔ ኦና አሺያ ዩሱስ ኪሪስቶስ አጼ ኬሃቴላይ፣ ማርቴላይኔ ሳርቴላይ ኔው ጊደ።

ተቶይ ቃርፃሳን ኦሊያ ኦሱዋ

5 ታኒ ኔና ቃርፃሳን አጋዳ ዪዳይ፡ ኔኒ አቲዳባ ገገሳናዳኔ ታኒ ከቲዳይሳዳ ካታማ ኡባን ዋሳ ኬላ ጨማታ ደራና ማላሳ።

6 ጨሚ ቦሬቶናይሳ፡ ኢሲ ማቼ አዚና፡ ማራ ጳዮን ዋይኮ ከቲቱላ ኢዳን አሲ ቦሮና አማኒያ ናይቲ ዳዒያ አሲ ገዳናው ቤሴሰ።

7 ዋሳ ኬላ ጨሚ ያሳ ኦሱዋ ሃዳራ ኤኪዳ ገሾ ቦሬቶናይሳ፡ ኦቶቶናይሳ፡ ኤሌ ዪሎቶናይሳ፡ ማሶቶናይሳ፡ ኦዳ ሜጶናይሳኔ ቤሶና ጎዳሰ ዳፊቶናይሳ ገዳናው ቤሴሰ።

8 ሺን አማሌ ሞኬይሳ፡ ሎዎባ ኡባ ደሴይሳ፡ አኬካንቸ፡ ጂሎ፡ ጌሺኔ ባና ሃሬይሳ ገዳናው ቤሴሰ።

9 ሃራታ ሱሬ ቲሚርቲያን ሚንሌላናውኔ ሄ ቲሚርቲያ ኢጄይሳታ ዛራናው ባ ታማሪዳ ቱማ ቃላን ሚኒዲ ኤቃናው ቤሴሰ።

10 ከቲቶናይሳቲ፡ ፓሶና ኦዳ ኦዳቲይሳቲ፡ ጨሚይሳቲ ኡባካ ቃፃሬቱላ ዋጋ ናጊያ ዳሮ አሳቲ ዳዎሶና።

11 ኤንቲ ቤሶና ኦጌን ሚሼ ዳማናው ኮዪዲ፡ ታማርሳናው ቤሶናባ ታማርሲሼ ኬላ አሳ ኡባ ኢሲያ ገሾ ኤንታ ቲሚርቲያ ቱቃናው ቤሴሰ።

12 ኤንታ ናቤታፔ ኢሶይ፡ «ቃርፃሳ አሳይ ኡባ ዋዴ ዋርዶ ኦዳቶሶና፤ ኢታ ደዳታኔ አዛላ ያራምባታ»* ያገሲ።

13 ሃ ማርካቱላይ ቱማ ማርካቱሌ። ሄሳ ገሾ፡ ኤንታው ቱማ አማሮይ ዳና ማላ ኤንታ ሃንቄታ።

14 ቱማ ኢጂያ አሳ ቲሚርቲያኔ አይሁዳታ ፓሶና ቶሲያ ሲዎና ማላ ኤንታ ሴራ።

15 ባንታው ጌሺ ገዲዳይሳታሰ ኡባይ ጌሺ፡ ሺን ቱናታሲኔ አማሮናይሰታሰ ኤንታ ቆፋይኔ ካሃይ ቱኒዳ ገሾ ኤንታው አይቢካ ጌሺ ገዳና።

16 ኤንቲ ኦ ያሳ ኤሮሰ ጎሶና፡ ሺን ባንታ ኦሱዋን ኢያ ካዶሶና። ኤንቲ ያሳን ኢጃቲዳይሳታ፡ ከቲቶናይሳታኔ ሎዎ ኦሶ ኡባሰ ገዳናይሳታ።

2

1 ሺን ኔኒ ሱሬ ቲሚርቲያ ጳልቆና ቲሚርቲ ታማርሳናው

1:6 1፻፱ 3:2-7 * 1:12 ቃርፃሳ አሳይ ኡባ ዋዴ ዋርዶ ኦዳቶሶና፤ ኢታ ደዳታኔ አዛላ ያራምባታ፡ ሄሳ ያገሊዲ ኦዲዳ ናቤይ ኤጲሚንዳሳ ጌቱቴሰ።

ቤሴስ።

2 ጨማ አዳቲ ባንታና ሃሪይሳታ፡ ዋፑ ጊዳይሳታ፡ ቦንቹቲዳይሳታ፡ አማኖን፡ ሲቆኒኔ ዳንዳዒን፡ ሚኖ ጊዳና ሜላ ዘራ።

3 ሄሳዳካ፡ ጨማ ማጫሳይ ባንታ ዱሳን ጌሻታ፡ ዘጊርናይሳታ፡ ዋይኔ ኡሻን ሃሪቶናይሳታኔ ሎዖባ ታማርሴይሳታ ጊዳና ሜላ ታማርሳ።

4 ኤንቲ ሄሳዳ ሃኒኮ ያላጋ ማጫሳይ ባንታ አዚናታኔ ባንታ ናይታ ሲቃና ሜላ ታማርሳናው ዳንዳዖሶና።

5 ዖሳ ቃላይ ቦሬቶና ሜላ ባንታና ሃሪይሳታ፡ ጌሻታ፡ ባንታ ሶን አሴይሳታ፡ ኬሃታኔ ባንታ አዚናታስ ኪቲቲይሳታ ጊዳና ሜላ ያላጋ ማጫሳ ታማርሶና።

6 ሄሳዳካ፡ ያላጋ አዳቲ ባንታና ሃራና ሜላ ዘራ።

7 ኔኒ ኔ ሁዒን ሎዖ ኦሶ ኡባን ኤንታው ለሚሶ ጊዳ። ኔኒ ኔ ቲሚርቲያን ኤቁዳይሳኔ አማኔቲዳይሳ ጊዳ።

8 ኑ ሞርኬቲ ኑና ዘጊራናው ጋሶያባይ ኤንታው ቆዩን ኤንቲ ዬላታና ሜላ ኔኒ ቦሬቶና ሎዖ ኦዳ ኦዴታ።

9 አይሌቲ ኡባባን ባንታ ጎዳታስ ኪቲታና ሜላ፡ ኤንታ ኡፋይሳና ሜላኔ ኤንታራ ፓላሞና ሜላ ዘራ።

10 ኤንቲ ባንታ ጎዳታፔ ካይሶቶፖ። ሄሲካ፡ ኑና አሺያ ዖሳ ቲሚርቲይ፡ ኡባ ኦጌን ደሴቲዳይሳ ጊዳና ሜላ ባንታ ኦሴያ ኦሶቀን አማኔቲይሳታ ጊዳይሳ ቤሳና ሜላ ኤንታ ዘራ።

11 አሴ አሺያ ዖሳ አቆ ኬሃቲላይ አሳ ኡባስ ቆንጨሰ።

12 ሄ አቆ ኬሃቲላይ፡ ኑ ናጋራኔ ሃ አላሚያ አሙቀ አጊዲ፡ ሃ ዋዲያን ኑና ሃሪዲ፡ ቱማ አያና ዴቡዋኒኔ ዪሎቴላን ዳና ሜላ ኑና ታማርሴስ።

13 ኑኒ አንጃቲዳ ኡፋይሳ ጊዲዳ ጊታ ዖሳኔ ኑና አሺያ ዬሱስ ኪሪሰቶሳ ቦንቾ ቆንጨጭላ ናጎሰ።

14 ኢታ ኦሶ ኡባፌ ኑና ዋዛናውኔ ሎዖባ ኦላናው አሞቲያ ባ ጌሻ አሲ ኬሳናው ኑ ጊሾ ባና አሊ ኢሚሰ።

15 ኔኒ ሃይሳ ታማርሳ፤ ኩሜላ ማታን ዘራ፡ ሴራ፤ ኦኒካ ኔና ካቆፖ።

3

አማኒያ አሳ ኦሶ

2:14 ማዝ 130:8፤ ኬሳ 19:5፤ ዛሬ 4:20፤ 7:6፤ 14:2፤ 1ጴ፯ 2:9

1 እሳይ ዳሪያ ሃራይሳታሰ፣ አዋቴላይ ዳዔይሳታሰ ሃራታናው፣ ከቴታናውኔ ሎፖ ኦሶ ኡባ ኦላናው ገገቴዳይሳታ ገዳና ማላ እኩኪሳ።

2 ቃሲ ኤንቲ ኦዴ ቦላካ ኢታ ኦዴቶና ማላ፣ ሳሮ እሲ ገዳና ማላ፣ እሽኬታኔ እሳ ኡባሰ ካዴቴይሳታ ገዳና ማላ ዘራ።

3 ኑኒ ካሴ ኤያታ፣ ከቴቶናይሳታ፣ ባሌቴዳይሳታ፣ ዲማ ዲማ አሾ ኡፋይሳሰኔ እሞሰ እይሌቴዳይሳታ። ኑኒ ኢታቴላኒኔ ቃናቴን ከሚዳይሳታ፤ ኑ ኦሴ ኢዳይሳታ፣ እሲካ ኑና ኢዳይሳታ።

4 ሺን አሺያ ፆሳ ከሃቴላይኔ ሲቆይ ቆንጨዳ ዋዴ

5 ኑ ኦሊዳ ዓሎ ኦሱዋ ገሾ ገደናሺን ባ ማሮቴላ ገሾ ኑና አሺሰ። ኑና ኢ እሺዳይ፣ ናሞዓንሶ ዩሌቴላ ማቻኒኔ ገሻ አያና ባጋራ አሚዳ ኦራላ ዴቦዋና።

6 ሄ አያና፣ ፆሳይ ኑና አሺያ ዩሱሰ ከሪሰቶሳ ባጋራ ኑ ቦላ ዳርሲዲ ጉሲሰ።

7 ባ እጾ ከሃቴላ ባጋራ ኑና ዓሊሲዲ ማሪና ዴቦዋ ላታ ኡፋይሳ ኦይካና ማላ ሄሳ ኦሊሰ።

8 ሃ ቃላይ አማኔቲዳ ቃላ። ፆሳ አማኔይሳቲ ሎፖ ኦሶ ኦላናው ገገዳይሳታ ገዳና ማላ ኔ ሃ ቃላ ሚንላዳ ኦዳና ማላ ታ ኮያይሰ። ሃይሳቲ እሴ ኡባሰ ሎፖኔ ጎዔይሳታ።

9 ሺን ኤያቴላ ፓላማፔ፣ ኮቻ ታይቦፔ፣ ካቻፌኔ ሂጌ ጋሶን ዴንዲያ ኦሻፌ ናጌታ። ሄሲ ጎዔኔ ዋዴይ ባይናባ።

10 ሻሆቴላ ማዲያ ኡራ ኮይሮ ዘራ፤ ናሞዓንሶ ሃንቄታ ሄሳፌ ጉዬ ኢያፔ ሃካ።

11 ሄሳ ማላ እሲ ጌላኔ ናጋራንቾ፤ ኢ ባ ቦላ ፒርዴይሳ ኤራ።

ወርሴላ ዘሪ

12 ታኒ ባልጎ ያን ሻጫናው ቆፒዳ ገሾ አርዳማሳ ዋይኮ ቴኩቆሳ ኔኮ ከቴያ ዋዴ ኔ ታኮ ኒቆጲሊዮና ያናው ሚና።

13 ሂጌ ኤሪያ ዘናሲኔ አጲሎሲ ኦጌ ቢያ ዋዴ ኤንታው ኮሺያባይ ፓጮና ማላ ኤንታ ማዳ።

14 ኑ እሳይካ ፓላና እሲ ገዲዲ አቶና ማላ ባንታው ኮሺያባ ዴማና ማላ ሎፖ ኦሶ ኦላናው ሚኒዲ ታማሮ።

15 ታራ ዴዔያ ኡባይ ኔና ሳሮ ጎሶና፤ አማኖን ኑና ሲቂያ እሳ ሳሮ ጋ።

ፆሳ እጾ ከሃቴላይ ሂንቴ ኡባራ ገደ። አሚንዒ።

3:12 ሃ.ኦ 20:4፤ ኤፌ 6:21-22፤ ቆላ 4:7-8፤ 2ዲሞ 4:12 3:13 ሃ.ኦ 18:24፤ 1ቆሮ 16:12

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source
files dated 29 Jan 2022

c35d6c73-3843-5482-b53e-7559d35deee5